

ուեսցուք զսէրն և զերկիւղն Աստուծոյ ի սիրտս մեր. զնալ յամենայն օրէնս անարատութեամբ և արդարութեամբ և ամենայն աստուածապաշտութեամբ. զի այն է հաճոյ և ընդունելի առաջի Աստուծոյ. որ կամի զի ամենայն մարդ կեցցէ և ի գիտութիւն ճշմարտութեան եկեացէ: Զոր նմա փառք և գոհութիւն ի յամենայնէ, յաւիտեանս յաւիտենից. ամէն:

1577. Հայոց թվ. ՌԻԶ. Եկաւ Էջմիածնին Տէր Թադէոս կաթողիկոսն՝ ի Կամենիցս. ընդ նմա երկու եպիսկոպոսք. մինն Տէր Յոհանէս, և միւսն Տէր Փիլիպոս, և արեղայ մի, որոյ անուն Վարպետ կոչէին, որ է Տէր Աւետիս:

1578. Հայոց թվ. ՌԻԷ. Աղուհացիցն: Թաթարն եկաւ և շատ վնաս աւրաւ այս երկրիս, և անհամար գերի տարաւ զմարդիքն, և շատ սահմանացն զքաղաքն և զգեղան այրեց և թալանեց, մանաւանդ բազում արս և զկանայսն և զտղայս ի սուր մաշեց. վասն զի ցրտային էր և ձմեռնային էր ժամանակս, և ձիւն սաստիկ կայր, որ ոչ կարացին փախչել ազատել. և զՍոգրոհն (Ostrog ի Վոլինիա) քաղաքն այրեց բովանդակ, և զամենայն բարութիւնս էառ. զոր զբերդն այլ հազիւ կարացին ազատել: Այլ այս ամենայն եղև վասն թուլասրտութեան և անհոգութեան թագաւորիս իշխանացն ամենայն. զոր Տէր Աստուած զաւարտն ի բարին առնէ, և զմեզ ազատէ ի ձեռաց անօրինաց և անհաւատից. և մեր բազում յանցանաց թողութիւն չնորհեացէ:

1578. Հայոց թվ. ՌԻԷ. ի Կամենից քաղաք նոր եպիսկոպոս նստաւ. անուն Գժենց Մարցին Օբաթ Մոկիլսքլյ:

1578-9. Թվ. ՌԻԷ. ի Կամենիցս Հայտուքներն եկին ի Մաճարք, որք էին թագաւորին Ստեփանոսին շրջակայ և բոլորովի զօրականք. և էին թվով 800, ընդ հեծեալս և ընդ հետեւակս. և կացին ի քաղաքս երկու շաբաթ. դարձեալ զնացին առ թագաւորն:

1579. Թվ. ՌԻԸ, մարտի ԺԵ. Մեծ գետյարոյց եղև ի Կամենիցս, և բազում նեղութիւն և պակասութիւն հասոյց քաղաքիս, զխապախսն կոտորելով, և զայլ շինութիւնս աւերելով, զմարդիկն ընկզմելով: Զոր վասն այսմ ամենայնի փառք Աստուծոյ:

1579. Թվ. ՌԻԸ. Հոկտ. ԺԿ. Թագաւորն Ստեփանոս մեծ և բազում զօրօքն զնաց ի Մոսքովի երկիրն, պատերազմել ընդ Մոսքովի քնազին. և աստուածային կարողութեամբ զԲոլոցքան էառ, զոր այս Բոլոցքան մեծ և անչափելի քաղաք կու անուանի, զոր Մոսկովցիքն առել էին ի այս թագաւորէս. և էր ի յայն ժամանակէն մինչև ցայժմ 17 ամ: Եւ վասն այս պատճառի քաղաքիս իշխանն որ կոչի Բերդի սգարոստան, մեծ ուրախութիւն և ցնծութիւն կատարեցին քաղաքիս մեծամեծք և դատաւորք. և զՀայ ազգն մեծարեցին, և հայցեցին զի ընդ նոսին կատարեցեան զայս ուրախութիւնս: